


絢堂禮會

上

9861  
2

1-9  
85  
1






986  
2

野志新刊


洞臺遺稿

駿錦堂藏版

49-2813








經

聖

子






清勤  
与

大正十四年初夏

直休取

清勤  
与






思情骨秀

小嵐曾平漢題




香 齋





思情骨秀

小嵐曾平漢題







殘之却尚書見添  
加良商高閣理志  
君乃巨許呂錢伴也





此松石印

此松石印






殘之却尚書見  
加良爾高閑理志  
君乃巨許呂錢伴也








故 銅 島 直 彬

仰  
具  
主  
統

承  
承








故 銅 島 直 彬

仰 具 是 純


承 承





勿失錫島之遺風勿損  
康城之面目有此精神可  
以盡于邦家為子氣象可以  
對于萬國所謂日本魂者是也



示鹿城會諸員 直彬





勿失錫島之遺風勿損  
康城之面目有此精神可  
以盡于邦家為平氣象可以  
對于萬國所謂日本魂者是也


示鹿城會諸員 直彬







勁本野節工受雪霜剗也根葉草一葉物性一葉也  
虛心而志無所險或處此正不故以提保可不相極其美也  
明治癸卯秋 和 竹 林 堂 圖 關 錦 繪









勁本堅節不受雪霜割也根著土葉物得三葉也  
虛心而直無所隱其意也五五根以挺其身不和徐  
明治癸卯仲秋 細雪 吳昌碩 畫

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40







綱堂遺稿總目錄

目次

上卷

詩

古今體百八十首

目次

下卷

詩

古今體六十四首

至自三七

至自二一







文

有悔堂記	一一
書製茶錄後	一三
雜說	一五
鍾秀樓記	一六
菊月筵記	一八
衆樂記	一九
衆樂園觀櫻記	二〇
恭賀柏岡太夫人七十序	二二
嘉禾說	三三

讀屈原傳

學字說	二四
米政撮要序	二五
梅花書屋記	二六
御苑觀菊記	二七
題萬里長城壁甄	二九
恭賀萱堂君七十序	三〇
秋池硯記	三三
書先考遺愛謠本後	三三
祐德院殿畫像頌	三三





法華經一石一字碑文

三三

示鹿城會諸員

三四

紹龍公贈位奉告文

三四

誕生院復興記

三四

記泊如上人碑文事

三五

誕生院再興奉告文

三五

八天社華表扁額改造碑

三六

紹龍公贈位記恩碑

三六

綱堂遺稿卷上

銅島直彬文卿著

男 鍋島直繩編

猗猗綠竹

安政二年

元是虛心君子風，解籜龍孫高百

尺，四時不變碧玲瓏。

送原忠順遊昌平覺

安政四年



孔孟真傳是洛閩齊家治國及修身。今春欲到昌平學。預識工夫日日新。

送久布白兼義還鄉

祖席含杯唱渭城。無那此際別離情。故鄉行矣路千里。玉笥峰頭雲霧生。

庚申元日。余年十八。因思唐太宗十八。舉義兵。芟除隋亂。終定天下。致貞觀之治。均是人也。而余一事無所成。賢不才相去。一到此乎。不堪感慨。賦一絕。

大事可成二九春。唐興隋滅一時新。卽今難致貞觀

治。愧我才非李世民。

迎良齋安積敬齋中村二先生於弊邸。席上賦

萬延元年十月

會聞名姓四方轟。今見德容文物明。鶴鶴一枝才本拙。附君鵬翼上雲程。

文久元年

商舶凌來萬里濤。漫將土芥易民膏。蠢兮蠻貊猶知否。瑞穗州中有寶刀。

送朝日胤豐歸故鄉

陽關唱歇促行裝。引袂一時侑酒觴。嗟爾歸鄉知那



日。江山千里客程長。

原忠順近買堅甲一聯。豈非古人所謂治不忘亂之義哉。余不堪感歎賦以示

以衣賀鎧最光榮。挫裂蠻夷百萬兵。治世爭忘戰塵日。平生不負丈夫名。

命家臣求馬于東肥

文久二年

聞說駿馬群肥東。草野十里馬嘶風。舉鞭休言無良馬。良馬元在馬群中。朝拔尤兮暮拔尤。遂使東肥馬群空。求馬已及冀北野。舉才未及巖窟下。求馬不異舉俊才。庸才雖多俊才寡。求馬仍望鬣髯美。舉才卻

嫌浮華美。千金不愛費多財。死馬猶且買之來。求馬縱無千里馬。舉才豈無百里才。愧我求馬樞已就。舉才未築黃金臺。

聞杜鵑有感

文久三年

夜深遙聽杜鵑鳴。孤枕有憂眠未成。翻想邵雍當日感。天津橋上是茲聲。

九月祭祀日書感

駭駑漫遇可爲秋。空向神明訴杞憂。祭政一途今日舉。人心果是盡誠不。

菊月歌



明月出兮峰巒兀黃菊開兮籬藩辭籬菊峰月秋色  
饒總教幽人勞詩骨請看春天和日晨孰與秋空明  
月節請看桃李遊樂園孰與菊花隱逸窟菊是隱逸  
月洒落洒落隱逸共卓越何止明月與黃菊人間從  
來貴高潔酒期盡歡才三蕉屋何望廣唯數笏一醉  
陶然詩漸成酒數何關金谷罰如此佳會真又稀永  
夜有竭思何竭今其不樂何日樂嗚呼歲月去倏忽  
并得陶令坡翁趣今宵好是興鬱勃諸君識否英雄  
事胸中自有閒日月

冬夜感懷

懶眠頻破百憂生獨劃爐灰對短檠一徑繁霜年欲  
暮半窗寒月夜三更奇機總自遲疑失偉績元因勉  
勵成壯士及時須效力勿終身得頑童名

出京

入京文久三霜辰出京文久四初春入時寒梅未含  
笑出時新柳已舒鬢言路坦坦不難步頑鈍又是叨  
動唇當今天子聖天子暫殺草莽一介臣輦下  
稽留幾許日碌碌空過已四旬四十餘日京華客今  
日乃是東遊人第三橋頭馬不進向西再拜意淳淳  
啼鳥惜別聲自悲嵐山有淚濕雲襖綠鴨水流去不



還。知得昨非不可趁。底事歲月頻匆匆。去春來又一瞬。豈敢容喙當路人。偏願天下有英雋。世事茫茫何所歸。唯期海外皇威振。

發京東下途上口占

元治元年

三尺長刀八尺身。客中送舊又迎新。淡津城上朝風淡。十里湖光萬里春。

大津

征路斜分西又東。大津驛裡雨濛濛。殘年已逐水流去。春入寥寥夜鼓中。  
出大津四首

身在異鄉夢亦慵。况還新歲客中逢。比良殘雪晨猶冷。湖上聲飛三井鐘。

雲脚連湖湖似江。勢多橋下水淙淙。青松浮浪綠於浪。細細帶風影幾雙。

水態山容各解顏。春光都改舊塵寰。瑠璃一碧琵琶湖上。百鍊金盤波浪間。

黃鸞喚我小窓南。二十二年夢正酣。楊柳枝頭十分暖。六分未到四分含。

到草津二首

醉來胸裏毒龍降。叱叱跨驢自笑慙。不問猶知草津



驛青松夾路影重雙  
賣餅店頭小女兒  
慇懃迎客強卑辭  
休論朝四暮三  
術。餽食數盤不識飢。

石部

鞍馬不親脾已肥  
客遊三日去王畿  
斷腸石部蕭蕭  
夜。愁眠朦朧燈影微。

水口

春水淺清晚可漁  
橫田川脈入溝渠  
街中佳品知何  
物。沸沸鼎間烹鱸魚。

土山二首

偶向行人問導途  
指嚮江勢境相殊  
轎窓風冷日光  
薄。鈴鹿雪殘山色瘳。

江勢分疆東與西  
坦途傍澗不須迷  
鈴山回首猶殘  
雪。驛樹風寒匹馬嘶。

鈴鹿山二首

鈴鹿山深人跡荒  
松杉連處路羊腸  
轎夫步步滑將  
跌。攪破華胥夢一場。

鈴鹿關頭春未多  
猶看殘雪滿寒柯  
石蹊曲曲雲粘  
履。先我行人脚下過。

坂下



樹葉遮窓望欲迷。客衾如水夜凄凄。孤燈油凍影將滅。寒月朦朧雲出溪。

筆捨山

試比芙蓉秀嶺顏。不殊天上與人寰。若無風景時時變。健筆爭拋叢爾山。

讀大學

遺書讀起是吾師。其道從來毋自欺。治國元知始誠意。乾坤雖廣不容私。

衆樂園觀櫻宴

衆樂亭上天氣新。衆樂亭下風景真。樂哉衆樂亭上

宴。同是衆樂亭下人。請看臣僚平生事。職事鞅掌嘗苦辛。請看黎民耕織苦。顰顛終歲不暫伸。嗚呼人牧視此苦。安得不施撫字仁。鼓琴猶有張弛術。況是人牧於臣民。君不知幽谷樹邊出巢鳥。嚶嚶求友聲。更頻吾亦從來嫌獨樂。衆樂願與臣民親。焦思多年縷縷志。今日端緒纔得陳。百花爭香東園裏。亂柳交翠西沼濱。村村家家各成隊。簞瓢相攜無主賓。少婦拾花插釵鈿。老翁鋪草當牀茵。花間柳外笑語共。亭上亭下酒千巡。人間行樂在此際。洒落胸間無片塵。至竟衆樂亦極矣。明年衆樂待明春。



三月盡日訪清水子協

佳會偶然何惜春。忙中尋得股肱臣。醇醪有酒須成醉。况亦鮮鱗且上唇。

感懷

敢交侯伯辱衣冠。碌碌數年真素飧。筋骨未勞心未苦。厚顏何事住人間。

秋日登蟻尾山有感

正是千林葉落時。滿山秋色自凄其。初知樂地在名教。風月卻嫌憂國思。  
留別原應侯

萬般心事請看取。一月三秋思更長。期得新秋我歸日。君家黃菊滿庭香。

送原應侯

明治四年

有鳥三年猶未鳴。驚人功業在斯行。平生憂苦果何事。要為朝家表至誠。

臨別示留居諸有司

臨別慙懃情更深。欲言吃吃淚先淋。前途甚遠任重。弘毅唯當全士心。

辛未十月二十四日。召群臣。聖上親臨。勅申勤勉之意。已而賜醕。伶人奏樂。天杯從序降下。



寬待優遇實無不至。直彬亦以華族得從其後。  
感懼不止。退賦燕律以述懷。

一事會無補舊藩。亦從寵命上宸門。詔詞懇告勸勤  
意。酹宴浹施慰藉恩。亞水歐山身未歷。漢經國史學  
猶昏。重哉臣庶方今責。勿使文明錯本根。

賀原應侯任左院議官

幾年利器沒塵埃。閑却英鋒未試來。今日幸逢良賈  
識。盤根錯節任君裁。

恭賀萱堂君六十

膝下捧觴陳俚言。言中唯有至情存。立身行道非容

易。何歲遂酬慈母恩。

送牟田豐從軍臺灣

努力唯應期有爲。男兒何幸扈王師。臺灣島上最高  
處。欲看東風飄國旗。

送成富副領事赴任凝沙府

曾從戎馬討西蠻。王事勤勞不厭艱。無復廟堂煩北  
顧。高揚文旆入鷺山。

重陽

環堵蕭然客不臻。清閑恰似葛天民。菊花黃綻甕中  
熟。想得淵明漉酒巾。



庚柴栗山翁畫菊自題韻

三徑秋深菊滿枝，羨君凜烈傲霜姿。風光如此莫辭  
醉，嗟我看花又幾時。

直日拜葡萄御賜謹賦

明治八年

餘光何幸及微軀，紫碧成堆萬顆珠。豈啻清甘療煩  
渴，滿腸滋澤拜恩殊。

蘭

介然生澗底，秀氣自清高。元是三閩友，芳名著楚騷。  
奉拜觀御書，有君臣相親如一體。聖語感佩之餘，得蕪絕。

感喜盈懷淚不禁，君臣一體是良箴。仰看御墨雲煙  
蹟，聖意洋洋溢紙深。

重陽

秋入東籬菊漸開，夕陽映射碎金堆。青樽酒滿陶潛  
興，一座清香浮玉杯。

丙子元日

祝得太平無事春，一樽椒酒一盤辛。門前綠作雙松  
竹，亦是吳天雨露仁。

奉陪御宴應制

禁苑春豐盛宴開，君臣一體樂深哉。寒香亭下梅千



樹花氣隨風入御杯。亭在赤坂御苑梅林之裡

奉侍觀櫻御宴有感。

春事匆匆半已空。何時又報聖恩洪。感深暖雪香雲裏。咫尺天顏醉惠風。

臨別贈原應侯

人間當有所操持。此道豈曾與世移。楊柳青青春欲晚。相逢共話又何時。

竹

琅玕繞屋翠如霞。門掩竹林深處家。幽夢未回北窓下。清風一縷篆烟斜。

題新築書齋壁

要將沈默養天然。築得幽居屋一椽。當戶峰巒今古綠。映簾潮水曉昏遷。致身未盡人臣務。開口何論自主權。辜負牀頭書萬卷。芸窓凭几愧前賢。

詠信應制

炎涼寒暖節相隨。四序循環各適宜。天道從來無不信。人間此去又何之。

秋夜長應制

秋夜長兮秋日忙。孤燈好繼短晷光。秋聲颯到梧桐葉。芳草夢尚繞池塘。春去秋來知幾度。往事回首渾



茫茫簡編閒繡燈火下。讀起唐風蟋蟀章。蟋蟀助我  
讀書苦。清吟相和在草堂。賢傳從來警暴棄。人事畢  
竟在自強。徒過人間三十歲。碌碌逢遭聖代昌。俛焉  
當期斃而已。精神唯要貫彼蒼。深惶涓埃無所報。思  
尺拜恩御榻傍。思之思之秋夜短。秋夜短兮天恩長。

天長節恭賦。此歲車駕  
幸北越

乾坤悠久固無窮。冠帶相臨賀禮崇。黃菊丹楓輝御  
苑。祥烟瑞霧滿宸宮。恩敷北越民痍癒。壽比南山聖  
運隆。見得太平無事象。千門萬戶旭旗風。

題墨竹

筆奪化工碧欲搖。龍飛鳳翥逼空霄。小齋孤座月明  
夜。驚看壁間風雨飄。

扈蹕在西京。三伏熱甚。遙想王師之苦。有作。

金鷄吐火熱如烘。何處人間容此躬。緬想王師遠征  
苦。流汗和血戰袍紅。

勅問清正關羽孰優

千歲建祠衆所崇。何人不復仰遺風。忠純義勇殆無  
異。只憾髻公匪克終。

月照紅葉和歌  
御題

秋老楓林夜色鮮。絳雲丹霧影娟娟。何人磨出一團



鏡故向錦屏幃上懸。

勅問呂望孔明功業孰難。

三顧荷恩離臥茵。一朝應卜歛垂綸。建基八百雖非易。鼎足忠謀最苦辛。

詠恩賜菊花

賜臣御苑數枝花。坐感恩榮雨露加。瓶裏插來香滿座。不歎秋色在陶家。

丁丑十月廿四日奉侍皇子降誕御宴  
堯殿舜廊和氣融。祥烟瑞霧滿深宮。捧觴恭奉南山壽。且仰關雎麟趾風。

永野子恪不遠千里而來訪。感喜之餘。賦一絕以贈。

原頭風月社前花。千里故山夢亦賒。家僕勿忙報君至。歡迎欲語感先加。

永野子恪去京師歸鄉。臨別書贈。

行矣西州風物宜。知不元氣在邊陲。故山父老如相問。爲答先生無所爲。

冬夜宿直禁內

萬感撩胸眠未成。禁門肅肅夜三更。銀檠風動燈花落。聞盡碧階寒雨聲。



丁丑歲晚

埋骨青山人幾千。回頭風物尙凄然。凱歌一曲聲纔斷。夢裡匆匆又送年。

戊寅新年三首

黎民於變又時雍。人事兼年改舊容。萬戶千門多喜色。兩竿翠竹一雙松。  
方潤三千餘萬民。江城烟雨恰如春。鶯駘何幸侍宮掖。飽荷聖恩迎歲新。  
人間不改老將臻。空看梅花歲歲新。風月回頭多感慨。夢酣三十五年春。

御苑觀梅

瓊姿自是在瑤臺。不惜江南處處栽。占斷春光迎聖駕。嗚呼梅亦有榮哉。

泛舟觀梅杉田村

兩岸春風流水喧。幽情恰似武陵源。此身應是神仙友。孤艇遙尋梅樹村。

題赤壁圖

千古茫茫跡欲無。潮流不返月輪孤。周郎蘇子今何在。空看江山一幅圖。  
馬上探梅應制。



孤鞭到處望將空。春在小橋流水西。疎影橫斜日沈後。暗香吹送馬頭風。

寒夜讀書

油凍燈檠影漸微。滿庭積雪照書幃。閑繙延喜盛時史。宮殿夜寒脫御衣。

參朝途上

灞橋風雪趣。跨馬上宸門。詩句不逢覓。奈難酬聖恩。樂農園席上。贈原應侯。

桃李不言花實穰。荷鋤風月自稱農。滔滔天下無劉備。三顧誰能起臥龍。

已卯之秋。巡視國頭地方。途上口號。  
戶戶炊烟尚未稠。東阡南陌野光幽。籃輿到處問何事。蕃薯今年能熟不。

登廣平山宿植田某家。

款待依然故舊懷。七年兩度宿雲齋。一甕家釀勝丹釀。況有土毛味最佳。

庚辰歲首書感。

二千五百四十年。明治十三曆又遷都。鄙同迎新歲月。聖澤普被新郡縣。數里不波那霸港。千古無雪恩納嶺。百卉蒼蒼皆新葉。和氣溫溫似春天。東村西里



起瑞霧。南郊北野橫。祥煙衙門玉漏朝。旣報冠帶相  
臨禮貌虔。東海雲霽日昇處。千門萬戶旭章鮮。行市  
欣欣滿街區。來往如織人摩肩。歲豐鐵樹免斧斤。薯  
葉如雲盈陌阡。泉源又無涸旱災。喜見新秧簇水田。  
昊天至仁同一視。日月所照豈有偏。葺爾南洋一小  
島。嗚呼斯民真可憐。成功在不舍晝夜。深思古人歎  
逝川。爲治不必求變俗。唯期漸次苛法蠲。仰望鳳闕  
伏思家。烟波縹渺路八千。家鄉老親旣古稀。奈何忠  
孝難兩全。優渥聖恩何時報。唯有一片冰心堅。歲月  
新矣吾將老。觸目風物萬感牽。茲感欲語無由語。閑

細草遺稿

賦古體詩一篇。好拂古硯舊年埃。試執羊毫臨雲箋。  
明治十三年。歸自沖繩。省親于舊里。途次鹿兒  
島。不得郵船之便。留旬餘。有感賦。  
客舍淹留事又空。官途烏兔太匆匆。元知人世不如  
意。月下浮雲花外風。  
歲晚。羈程待船不到。無聊之餘。浴櫻島溫泉。偶  
作。  
荷恩南島未成功。飄泊無時似斷蓬。洲渚泉溫春已  
到。海門雪白歲將終。  
鹿兒島客舍歲晚



夢裏匆匆歲欲新。愁來懶拂客衣塵。海門之勝櫻洲  
美惱殺官遊萬里人。

阻風淹大島數日。偶有感賦。

官情羈慮共淒淒。北想南思客夢迷。何必旅程多難  
苦。從來人事半乖蹊。

谷口藍田翁招飲。席間賦贈。

昨非今是議論紛。不識世間有此文。風俗漸趨澆季  
日。維持皇道獨推君。

黃胡蝶花

歲月匆匆鄉信賒。官遊萬里在天涯。人間渾是莊周

夢。笑見庭前胡蝶花。

辛巳歲旦。試毫於鹿兒島客舍。

逆旅新年太簡疎。垢衣塵帽把屠蘇。世間今日事皆  
改。依舊吾唯守我愚。

明月榭席上。賦贈谷口藍田翁。

滔滔天下利惟趨。皇國淳風看欲無。斯道尊哉未墮  
地。吾鄉尙幸有真儒。

聞原應侯頃有掌珠之慶。喜賦。

吉夢維何熊與羆。弄璋嘉報自天涯。吾聞之喜起將  
舞。繼速方知在此兒。



偶感

凝霜磨月月如霜。天地清寒覺夜長。讀聖賢書作何事。羨他晚節菊花香。

送柳原特命全權公使赴露都

不恨雲烟萬里遮。丹心同是在皇家。請君試看露宮雪。孰與江東鳳闕花。

探梅

聞說梅林春信傳。吟筇探遍小橋邊。可憐幽谷雪深處。玉骨佳人樹下眠。  
書懷贈大隈參議

舟侵風浪泛長流。按櫓霎時卜去留。舉首前洋猶萬里。如今未是卸帆秋。

登廣平山用前韻

細徑登登雲入懷。碧峰高處架新齋。老猿拾果晚樵返。絕壁奇巖面面佳。

松蔭祠前有感

草木欣欣雨露滋。嗚呼休澤無窮期。洋洋在上如神在。滿苑松風告往時。

今茲十月當松本奎堂二十年祭期。因叙追遠之情。



兵雖太寡器雖鈍。英氣要挫敵百萬。唯有名義不可  
已。至竟成敗不遑論。天柱將傾隻手支。大陽欲墮魯  
戈麾。見利忘義世澆季。三河國出真男兒。誠忠葵傾  
向北闕。詎辭南山埋俠骨。恰似當年楠氏事。叢爾山  
壘擬千窟。曉翻菊。章拜陵下。夜沿芳川飲鞍馬。四面  
敵軍圍幾重。其勢不均衆與寡。不免天人互相勝。人  
猶多兮天未定。天未定兮何怨天。刀既折兮矢亦罄。  
許國身輕於毫毛。七死七生志無撓。南山秋寒星夜  
墮。埋屍九原義彌高。噫。予曾有金石契。與君握手兩  
心誓。君不及見王政美。予幸遭遇聖明世。回想廿年

一夢中。夢中勿勿往事空。予齡十八聊有志。予齡十八  
以歲且感  
懷詩贈君云。大事可成二九春。唐興隋滅一  
時新。卽今難致貞觀。治愧我非才。李世民。碌碌今尙愧無功。一夜  
燈前不成睡。秋風暗催壯士淚。憾不使君在今日。立  
朝與談天下事。雖然妖氛殞其身。勤王義舉首稱君。  
知君泉下應呼快。中興基業天日新。

偶叩山口常美門醉賦

百事勿忙秋色闌。偶然偷得一宵閑。醉來不辨賓兼  
主。漫對酒樽心自寬。

登廣平山疊韻

往事回頭多感懷。山間三到白雲齋。民風淳朴今猶



昔迎我慇懃情話佳。

天長節恭賦

戶戶雞鳴麗曉光。和風萬里及遐鄉。山川草木皆銜  
喜。日月星辰都表祥。聖壽無疆南岳靜。金甌不缺九  
天長。望來宮闕舉卮酒。又把筆箋修賀章。

明治癸未十一月三日。當我祖廟松蔭神社祭

期賦此寄舊鄉溫故社員。

西風驚夢不勝悲。人子憶鄉方此時。廟下新霜秋色  
老。園中紅葉夕陽移。諸君對酒應多感。獨我裁詩慰  
所思。何必營營隨世俗。惟忠惟孝國之基。

令華族縱觀御苑。直彬亦與焉。感激之餘竊述  
俚言。以書懷。

新啓宸門寵命周。縱觀何幸及吾儔。堯階三尺省民  
力。昌固四方偕衆遊。白菊香濃宮苑裏。丹楓影映御  
林頭。祥烟瑞霧長如此。龜鶴占來萬歲秋。

甲申一月。寄原應侯在鄉

陽和猶未到庭柯。都下風光愁緒多。驛使相逢寄無  
物。故園新歲果如何。

題自畫墨竹。

前途舉目太崢嶸。人事難期敗與成。竹塢寫竹排悶



耳。曰。蘆曰。柳任佗評。

齋藤精一。卒工部大學業。因志喜。并寓勤勉之意。

杏汝阿精學已成。嗟吾故國有光榮。名駒養得飛騰勢。須勉前途千里行。

甲申十一月二日。植松蔭神社祭辰。余偶賜暇。在鄉。因得與焉。感賦。

方知祖澤入民深。來者如雲祭克忱。火國之西廟高處。喬松千歲綠森森。

山口氏招飲舊朋咸集。有感而作。

舊朋落落曉天星。半入空山苔欲青。話故談新多感慨。浮沈人世似蓬萍。

阿兄家有女。無男。頃者迎壻。喜賦。

門闌有慶瑞光新。欣躍何禁叔姪親。魚水求媒約佳壻。瑟琴相樂遇良辰。映簾黃菊呈遐壽。當戶青松表德純。福祉今來日應大。益斯賦得祝振振。

春日。遊木母寺。馬上口占。

烟雲暗澹雨初收。緩轡江東試出遊。十里長堤春未遍。梅兒塚畔夕陽幽。

乙酉仲夏小集席上



賓客來遊咸是賢。清談高話洗心田。請看官海風濤外。別有硯池藏洞天。

偶訪山口氏席上賦贈

壁間忽見舊題篇。回首前遊已二年。酌得慇懃主意。至情兼酒兩洋然。

贈谷口藍田翁

人世縱令有污隆。悠悠吾道豈其窮。將君平素浩然氣。願贊乾坤化育功。

登廣平山宿植田某宅。用前韻。

隔歲相逢輒慰懷。慇懃爲我築新齋。齋臨崖樹懸泉

上。松籟溪聲入夢佳。

南樓對雪

山川一色玉皤如。萬態風光聚我廬。領得灞橋當日趣。不憂雪滿出無驢。

雪夜偶成

風物淡然心更清。滿庭積雪夜三更。小爐灰冷香烟絕。閑聽窓前戛玉聲。

觀梅

敢與群芳相忌猜。超然卓立占花魁。英雄心事應如此。氣韻清高雪裡梅。



春花歌

花經風雨開。又為風雨落。人遭艱難苦。又經艱難樂。  
 苦樂不足怪。開落是其常。花元有開落。人自有行藏。  
 三春看將過。花間吟未了。花落可復開。人老難再少。  
 人壽百歲稀。年年花相同。花應笑吾愚。對花心如童。  
 滿山雪不寒。長堤霞有影。送香風微掀。漾彩波自靜。  
 浮生真如夢。觀花又幾春。遲日猶易夕。把杯酌花神。  
 人事多乖違。花時半風雨。花開又必落。人樂又有苦。  
 悵然花下立。酒醒愁更多。踟躕不忍去。遂作春花歌。  
 花人歌并引

墨陀之花。吾知其為美。金井之花。吾知其為盛。吾既知其為盛為美矣。而不顧特賞鹿島之花。於江山千里外。誰不異焉。試辨之。夫墨陀金井之花。美則美矣。盛則盛矣。而是獨為花而已。鹿島之花。則不然。一隻樹一片花。豈非舊交至情之所轉乎。如何不歌。作花人歌。  
 數樹櫻花數隊人。人在花間歡聲頻。斯花斯人咸舊識。花光清麗人忠純。花因斯人光榮加。人假斯花交情親。此樂在人不在花。人自是主。花是賓。花映瓊筵人咸醉。人飛羽觴酌花神。櫻花易落人易老。吾人對



花惜短晨。花不待人。期難得。人間觀花。又幾辰。花間別領人世樂。有花有人。故園春。

明治乙酉。告多良縣道開鑿工事竣。因試步焉。喜而賦之。

彼崔嵬者何。維石巖巖峙。石峙行旅少。唯有菟與雉。運輸失其便。農商爲不起。良民有所感。經始來如子。工事不日竣。其業亦大矣。途與治道開。坦坦平於砥。簣簣是民力。步步何不喜。況且快我懷。滿目江山美。明治丙戌之春。奉壽萱堂君七十七。舟搖搖兮以輕颺。喜滿懷兮入故鄉。阿母倚閭兮待

兒至。乃相逢兮喜洋洋。兒之所願無佗事。阿母強健壽無疆。古稀超七。豈謂壽。兒之所望未足償。時是春風和氣遍。忽有孺星照北堂。人子至此喜何極。大會故舊壽筵張。碧桃花麗三千歲。不老門頭柳條長。其禮簡而其情厚。膝下含笑捧壽觴。仰看慈顏猶如童。醉且高歌喜欲狂。滿腔有情難盡得。少以詩畫充賀章。兒猶壯矣請安心。安心畢竟養生方。兒亦應與阿母壽。母子永俱一家慶。

閒居

三句許休寧。恩賚何滋豐。三伏不知暑。悠悠仰仁風。



不必探丘壑。不必覓林叢。小山中居。猶足安斯躬。離市雖不遠。不染世塵紅。高臥北窓下。淡然百慮空。

賣水翁

神戶客中

都會人間六月寒。水晶塊滿水晶盤。憫佗街上賣冰者。終日弄水汗不乾。

觀菊

不伍凡花競艷妝。超然獨立占秋光。清標自是隱君子。霜裡長存晚節香。

題新居壁

彼鬱者何維樹。萎唯多山禽。少犬雞。小山之南網坂

西上天錫予斯幽。栖林園雖隘有乾坤。日月悠悠小竹谿。千竿竹足怡我顏。十步徑堪曳我黎。晴嵐入窓翠如滴。白雲擁門望欲迷。鑿井新汲煎茶水。探幽斜通竹門蹊。恰是深秋黃花節。爽晴連日便鋤犁。時平何做彭澤令。官閑自培菊一畦。不要門外白衣客。日日籬邊酒樽携。嗚呼如斯天恩寧不記。一篇短歌向壁題。

自團子坂經染井。到巢鴨觀菊盡日。乘月而歸。探菊東岡又北阡。任他俗客目花顛。歸途買醉有餘興。風露滿街月色鮮。



觀菊

秋園有趣日盤桓。栽菊漫爲彭澤看。昨夜窓前雨聲急。朝來先已問平安。

初冬遊金龍山

滿山林木盡經霜。一徑和苔落葉黃。賴有後園菊花在。清妝不變駐秋光。

村田清風小祥日奠詩

三偶山上數尋松。鬱鬱凌雲晚翠濃。一片碑成垂不朽。何歆秦世太夫封。

竹陰納涼

欲酬聖主奈無功。五十餘年懶夢中。世上炎塵難拂得。竹陰深處覓清風。

聞清佛開鬘既有事於福州有感作

秋風慘澹雨聲酸。亞海風急揚狂瀾。忽聞閩越馬江畔。巨礮一聲開戰端。何人不好生惡死。唯爲勢迫進當難。血迸海上潮爲赤。屍填江口水爲湍。自古宇內少寧歲。噫嘻蒼生何日安。况又天下無義戰。姦猾恃力利。是看弱肉強食。不知饜攫搏吞。噬事勦殘。至竟公法爲何用。所謂文明都欺謾。如今當速固國本。人事豈可附緩寬。悄然一夜青燈下。起披地圖獨長歎。



咏竹

有竹有竹百尺竿。亭亭凌雲幾琅玕。虛心貞節淑女德。高標清姿可仰觀。其根龍蟠老愈固。宜矣枝葉日平安。豈羨桃李媚春暄。此君森翠誇歲寒。渭川淇澳不須說。賴有一簇綠團圞。壽觴綠浮千歲影。憂玉音助滿堂歡。

戊子元旦書感

旭日映窓萬象新。夙整衣冠上紫宸。咫尺天顏祝萬歲。太平洪福及微臣。金門儀仗表尊嚴。御苑和風自似春。隆矣金甌無缺國。恩威并行安斯民。退朝遙祝

北堂壽德澤所被。洽家人。忠孝從來是家寶。百福非此莫由臻。

己丑新年

世態難新年易新。忙中強祝一家春。紛紛私議無由止。正正公論遂不伸。節義即今身許國。文章何日語驚人。干戈猶釀帝京夢。憂患豈唯胡馬塵。

己丑元旦口占

風物人心與歲新。至情先叙本支親。樓頭鶴舞千年樹。檻外波浮萬里春。

萱堂君八十壽詞



一夜秋風搖。人子故園思。故園今多喜。千里我神馳。  
自公退食後。日日望天涯。賜暇得三旬。荷恩向西陲。  
舟車雖太迅。歸心猶覺遲。歸來入門巷。滿目皆舊知。  
旅情頓消盡。融然百慮遺。屋結高原東。欄枕中川湄。  
樹古當栖鶴。淵深應藏龜。清風楊柳岡。隔海迎朝曦。  
彩霞映簾麗。菊花開東籬。吾心豈不喜。風物自如斯。  
頻聞頌壽聲。一家逢佳期。親戚與舊故。團欒壽筵披。  
肅然跪膝下。欣欣獻壽卮。卮捧滿腔誠。慈顏更怡怡。  
堂上酒醺初。堂下歌起時。溫溫和氣洽。寶婺照空帷。  
歡喜不自禁。戲嬉真如兒。舉觴重滿酌。唱來南山詞。

南山長不騫。貞固松柏姿。上天錫遐福。百歲復奚疑。  
人道忠與孝。離此將焉之。何當報聖主。歸來長相隨。

壬辰臘月。開天保會於萬清樓席上。次石丸櫻

水韻

櫻水名  
安世

世態人心幾變更。如今誰記舊交情。此間賴有親朋  
在。尋得歲寒松柏盟。

癸巳元日

屠蘇先酌萬年杯。霜滿鬢邊志未灰。客裏忙迎新歲  
月。案頭懶拂舊塵埃。朝觀富嶽千尋雪。夕插銅瓶一  
朶梅。最是乾坤清烈氣。警醒吾鄙吝心來。



賦得綠竹年久

清風戛玉響丹墀。萬古依然龍鳳姿。个个傲霜皆勁  
葉。猗猗搖月有繁枝。虛心自具人君體。貞節宜爲臣  
庶師。王氏以來無好友。高標獨被歲寒知。

雪中竹

移自漢吳路八千。兩叢籊籊御階前。松柏豈專後凋  
美。此君凌雪節愈堅。龍影鳳姿永呈祥。明治天子萬  
斯年。

雪中書感

黯澹寒空望欲迷。都門風物轉淒淒。城中積雪深三

尺郊外何時花滿蹊。

釋奠

滔滔天下半如聾。仁義茫然馬耳風。氣運衰萎道頽  
亂。人心澆薄學逾蒙。先王遺典今安在。來世垂教遂  
欲空。大祭辨香長。大息誰令德化仰無窮。

衆樂園觀櫻二首

衆樂園中花似霞。花間廟古樹槎枒。對花遙想當年  
事。斯宴從來不在花。

花落何憂開何喜。開落自然是天理。其開有因落亦  
然。畢竟開落非偶爾。花時自古風雨多。勢榮終是不



細堂遺稿  
可恃。花開花落夢寐間。春日雖長去太駛。請看天地  
化育跡。消長之數固如此。滔滔天下觀花人。識不盛  
衰果如彼。

夏日偶成

仰看屋上山。俯聽屋下流。流水無晝夜。白雲自悠悠。  
世間炎塵埃。賴不入吾樓。日長几案靜。風清枕簟幽。  
功名非所願。富貴不可求。惟有寸丹在。斯志死不休。

七夕泛舟

中川一棹月。月影伴孤舟。舟去月亦去。舟留月亦留。  
去留兩無意。悠然泛中流。心與水月虛。斯時萬慮休。

銀河倒影落。凭舷看女牛。炎塵不到處。獨占七夕秋。  
初秋吟

彤雲猶連天。天外多奇峰。惟畏趙盾威。未見白帝蹤。  
井畔梧葉碧。園圃細草茸。何處尋秋色。閑卻一枯筇。  
歲月不待吾。老境常無惊。近來又多病。百事渾疎慵。  
新涼纔在竹。聊足洗心胸。欹枕幽窓下。秋思伴壁蛩。

松蔭祠前步月

月上海東萬里天。影清松蔭神廟前。吾向明月問往  
事。往事不答獨娟娟。萬籟聲斷江山靜。乾坤如洗思  
悠然。月色不異萬古同。照來人世幾變遷。



丙申除夜

兩鬢繁霜歲欲新。東來西去老風塵。兒童不識今宵感。燈火盈街笑語頻。

丁酉一月一日記喜

我家今歲極多嬉。親壽而康吾得兒。總是太平無事澤。頑愚何以答明時。

大雪書懷

飛雪紛紛萬籟吟。老松獨立歲寒心。青燈一穗小窗下。默坐書灰到夜深。

蘭竹雙清圖

幽思誰悲楚謫臣。風流我慕晉高人。空山千載留遺愛。勁節孤芳共絕塵。

戊戌中元書感

秋風入簾帷。人子豈勝悲。偏催風樹感。逝水不可追。忠孝無二致。事君孝可移。千慮邦家事。唯在鞏皇基。

庚子一月四日。雲霧日暄。與兒繩撮影。喜賦。

吾家有喜致嘉祥。繩也健強爺亦康。正是新年好風日。一雙形影至情長。

歲旦朝賀

吾事未新年已新。經綸無策愧佳辰。微臣徒浴聖明



澤。仰祝南山昇紫宸。

歲旦

硯池未洗去年塵。曆日忽開今歲新。五夜鐘聲破殘夢。寒梅一朵已含春。

庚子元旦讀和氣公紀事

嗚呼烈矣護王和氣公。千載之下仰遺風。三十三年王一月。讀公傳紀氣如虹。神護景雲當年事。怪雲妖霧晝濛濛。雙手捧持天日光。排擺雲霧照蒼穹。當知大義不可犯。至誠貫日與神通。大哉平安奠都業。遂致寶龜延曆隆。嗚呼盛矣金甌無缺國。永與天壤俱

無窮。

歲晚書感

西去東來事又繁。一年三度入都門。江山有約奈難履。空逐風塵荷聖恩。

句餘不出門

梅子帶黃時。句餘不出門。門無車馬響。唯有雨聲喧。

爲武富蜃堂畫竹題詩

不許紅塵一點侵。清風滿地綠陰深。因存高節堅貞質。作此敲金戛玉音。

辛丑之秋。遭松蔭神社祭祀。天高氣清。年又稔。



矣。有感賦

萬頃黃雲簇不飛。晴風十里稻梁肥。厚生有道祖先業。繼述慙吾才力微。

賀谷口藍田翁八十

吾能知翁久。不可無賀章。篤信而好學。氣骨帶風霜。確乎不可拔。不見亦何傷。韋編幾回絕。應覺滋味長。明通性命理。知微又知彰。夙慨名分紊。讜議露鋒芒。一身唯許國。其志在勤王。學問有根柢。講道精而詳。擇善不枉尺。守操老更剛。時平俗將墮。憂之務障防。下帷輦轂下。名聲聞彼蒼。明治辛丑秋。三五夜方長。

碧天皎月高山河。發清光。乾坤無纖塵。萬象呈嘉祥。群賢咸來集。歡樂醉壽觴。結交四十年。情誼久有常。八十未爲遐。所願在無疆。法天行之健。所以壽而康。

書感

六十餘年事半非。行藏舒卷與心違。世間炎熱奈難去。好嘯清風浴海沂。

順天堂病院書懷二首

順天濟物自通神。手裏刀圭別有春。看護丁寧病床穩。惠風滿院白衣人。

不覺人間歲月遷。順天堂裏日如年。病軀占斷小天



地。免得塵寰名利牽。

癸卯歲晚

風物蕭條歲月流。寒燈影暗伴殷憂。百年長計何時定。方是國家危急秋。

歲晚書懷

今日吾心有殷憂。病軀况又引新愁。都門霜雪鬢將白。轉覺殘年歲月遒。

栽竹

栽竹喜清陰。清陰夏日長。葉葉掃炎塵。無風亦自涼。大森僑居雜咏三首

讀書萬卷果何爲。一片丹心有所期。嗟我金甌無缺國。夙將忠孝樹皇基。

人間萬事塞翁馬。苦樂方知無定疆。請看寒山梅一樹。凌來冰雪卻加香。

風入客窓霜氣侵。南郊雲物夜幽沈。此間感慨向誰語。惟有孤燈知我心。

春晚偶成

正是園林四月天。殘紅委地綠如烟。世間衰盛吾何怪。花落花開亦自然。

佐久良



夾道芳雲映旭旗。春風吹送遠征師。此花鍾得神州美。永配和魂護國基。

廣瀨中佐

有斯國而有斯人。國家所寶忠烈臣。皇統一系齊天壤。國體尊嚴絕比倫。忠孝建基磐石固。君臣父子道相親。百萬貔貅王股肱。義勇奉公不顧身。嗚呼南豐人。廣瀨中佐。國體之粹。人道醇。萬世高懸。武臣鑑宜矣。呼之稱軍神。櫻花如雪。辭枝去。遺芳永傳。東洋春。斯忠斯烈。原君德。仰瞻旭日麗蒼旻。

丙午元日

維明治三十九年。百萬王師振旅旋。義戰本在解倒懸。仁者無敵自古然。旭日影麗東洋天。瑞雪放光富岳巔。戶戶松竹相映連。凱旋門頭國旗鮮。

詠鶴

東洋日昇處。一舉搏長風。因此冲天物。表吾國運隆。

明治三十九年。戰捷之後。前德神苑有鶴瑞。繪故及。

松蔭神社祭日書感

請看東海萬里波。濤奔出自溪流混。混源請看南山。蟲蠹喬木茂。生自地中縱橫根。萬物基天人基。祖生氣浩浩。充乾坤。列祖積善三百年。福祉無疆洽子孫。



嗟我不肖徒溫飽。無復孝道報祖恩。松蔭廟畔松擎雲。鬱鬱蒼蒼古色繁。旭日岡聳高幾仞。園櫻樹間迎朝暉。好風晴日自似春。神旗影靜氣溫溫。人子今日多感慨。仰念祖先采蘋蘩。

小濱客舍

小濱之邑有神泉。泉脈縮從自山巔。山之所藏疏與礬。地氣蒸冲常吐烟。一浴振衣溫泉閣。閣上清風俗慮蠲。此間胸裏無一物。度外人世身如仙。多良之峰當簾聳。仰望青天思悠悠。千岩灘映欄碧。俯對長流絕塵緣。塵緣全絕萬象空。縹渺我心似乘船。窮通

榮辱非所願。守分知足獨樂天。

紹龍公二百年大祭恭賦

明治四十年

瞻彼高陵古松龍葱。有廟在陵。吾祖惟崇。遲遲麗日。溫溫和風。稻苗將挺。麥穗時秀。靡地匪拓。靡植匪茂。嗟我農夫。扶老攜幼。豈曰悠遠。神在如生。蘋蘩蒞藻。不腆簠盛。不腆奚恤。惟是至誠。辛苦經營。吾祖布惠。是斯衆庶。子來助祭。爰虔陳俎。薦幣星霜。二百風美俗敦。視我猶昔。吁是祖恩。祖恩深厚。永暨裔孫。鑿巖疏水。埋海廣地。滋潤十里。貽此福利。炊煙簇起。西陲稱治。



一夜夢與大給龜崖晤。寤而猶恍惚。乃寄書問  
履動未數日。見寄詩畫。蓋在互相祝。以使予安  
心也。予亦欣然。把毫寫竹一枝。題詩其上。以贈  
秋氣入庭樹。蟋蟀在堂時。夜靜獨憶友。萬里夢魂馳。  
忽接平安信。併得松一枝。不翅松表壽。係之以新詩。  
句句無限情。綴來慙辭辭。濃添其色。萬葉垂翠蕤。  
對之祝君壽。想看歲寒姿。詩畫兩有聲。足以慰相思。  
君日上東閣。吾常住西陲。一年一相逢。別後在天涯。  
雲樹雖遙隔。膠漆兩心知。締得松竹交。請看綠猗猗。  
黃金行

嗚呼黃金哉。黃金衆所崇。蓄之權勢熾。積之聲聞隆。  
黃金兮黃金。由汝有無通。多蓄誘驕奢。無蓄人事窮。  
惟在審分度。慎辨私與公。悖入則悖出。須積勤勉功。  
勿止于利己。巨福在共同。勿賴他人力。成業始於躬。  
當養至剛氣。最忌柔懦風。富是不可求。爲善財自豐。





綱堂遺稿卷上終

Faint vertical text columns within a black rectangular border, likely bleed-through from the reverse side of the page.

綱堂遺稿

49-2813

